

Oqaasiliortut ataatsimiinneranni imaqarniliaq.
Pingasunngornermi decemberip 3-anni 2008 nal. 10-12.
Ilimmarfimmi Oqaasileriffiup ataatsimiittarfiani.

Peqataasut: Ellen J. Karlsen, Stephen Heilmann,
Eva Møller Thomassen aamma Carl Chr. Olsen.
(Abia Abelsen peqataasinnaangilaq)
Allatsitut taarti: Beatrine Heilmann
(Katti Frederiksen angalanissani pissutigalugu peqataangilaq)


Oqaluuserisassatut siunnersuutit:

1. Tikilluaqqusineq
2. Saaffiginnissutit suliassartallit:
 - a. Handicap, sygdom, funktionsforstyrrelse (17.09.08)
 - b. Juujukaat (24.09.08)
 - c. Qilalukkat ataatsimoortut amisunik aamma taasarpaat? (31.10.08)
 - d. Suaaassutsip inunnut tunngatillugu atorneqartarnera (12.11.08)
 - e. Nunasisut (12.11.08)
 - f. Sineriammi i alt. Sinerissami (13.11.08)
 - g. Anorrit sakkortussusaasa taaguutaat (17.11.08)
 - h. Ilinniangaatsuliaat (19.11.08)
 - i. Oqaasileriffimmut aningaasaliissutaasartut pillugit Oqaasiliortut allagaqarnissaannik kissaat
3. Allat
`jeres fangst dyr burde sælges som økologisk mærkede produkter`

Inussiarnersumik inuulluaqqusilluta

Carl Chr. Olsen
Siulittaasoq

Beatrine Heilmann
Allatsi



- 1. pillugu -

- Siulittaasoq Carl Chr. Olsen tikilluaqqusereerluni Oqaasiliortuni ilaasortat ilisimatippai Per Langgård ataatsimiinnerup naalernerani takkutissasoq, oqaluuserisassaq 2.i pillugu (*Oqaasileriffimmut aningaasaliissutaasartut pillugit Oqaasiliortut allagaqarnissaannik kissaat*).
- Eva Møller Thomassenip oqaatigaa Oqaasiliortut aprilimili akissarsisinneqarsimanngitsut, siulittaasup Carl Chr. Olsenip nalunaarfigai Katti Frederiksen marlunngorpat 09.12.08 tikikkuni isumannaassagai.

- 2. pillugu -


Saaffiginnissutit suliaartallit:

2. a.: Oqaasiliortunit akuerineqarput makku:

- 1. Sygdom – Nappaat (nassuiaaserneqarluni: Peqqinnermik ajoquteqarneq)**
- 2. Handicap – Timikkut tarnikkulluunniit innarluut**
 - a. Innorluut – Inunnguuseralugu innarluuteqarneq**
- 3. Funktionsforstyrrelse – Pillorlunneq**

2. b.: **Juujukaat** misissoqqinneqassaaq, paasissutissat pisariaqartut amigaatigineqarmata.

2. c.: **Qilalukkat ataatsimoortut amisuni aamma taasarpaat?** Oqaasiliortut isumaqarput **amisut** isumaqartut **eqimattat** imalt. **amerlasuut**, kisiannili tusaamasaqaratik qilalukkat ataatsimoortut amisunik taaneqartarnerannik. Taamaattumik isumaqatigiissutaavoq tamanna Samuel Kleinschmidtipp ordbogiani misissorneqassasoq.




Samuel Kleinshmidt ordbogiani amisut ima nassuiarneqarsimapput:
Amisut: En flok sødyr på vandring; en stime (af sælhunde eller hvidfisk).
Atuakkami `Qooqa`-mi qilalukkat qaqortat ataatsimoortut amisunik taaneqarput, taamaattumik misissukkat malillugit amisut qilalukkanut atorineqarsinnaanera ajornaqutissartaqarsorinangilaq. Tamannali ataatsimiinnerup tulliani eqqartorneqarsinnaavoq.

2. d. : **Suiaassutsip inunnut tunngatillugu atorineqartarnera.**

Statistikkini allanilu misissuinerneq **suaiaassuseq** qallunaatut **køn**-imut atatillugu atorineqartarpoq. Nammineerluni oqaatsip nagguia isumaqanngitsuvoq, taamaattumik attuumassuteqanngitsumik atorineqartarnera tulluarluni, aammalu inunnik sungiusimaneqareerluni. 1980-kkut qiteqqunneranni ilisimatusarnermi misissuinerit takkummata **suaiaassuseq** qallunaatut **køn**-imut tunngatillugu atorineqartarpoq, akunnaannerpaatullu taasariaqarluni. Taamaattumik **Oqaasiliortunit suaiaassutsip inunnut tunngatillugu atorineqartarnera ippinnaatissaqartinngilaat.**

Athon Frederiksenip apeqquteqaasiamini, 12.11.08 - ”Svar: Oqaaseq piitsoq inuttut naleqassutsimut atorineqarsinnaava?” ilanngullugu eqqaavaa, ukiuni kingullerni pingaartumik inuusunnerusunit atorineqartalersoq oqaatsit naanerini ”**gut**”, nalinginnaasumik ullutsinni oqartaraluartoq ”**gu**”. Assersuutigalugu ”*ornitsigut*” oqarniaraluarlutik ”*ornitsigu*”. Tamanna Oqaasiliortunit oqaaseqarfigineqarpoq, tassa sionatigut atorineqartarsimagaluartoq ”gut”, ullutsinnili atugaanera malillugu ”gu” atorineqartarpoq.

Anthon Frederiksenip apeqquteqarnermini 11.11.08 – ”Svar: SV: apeqqut” apeqquteqaatigaa **tulluarnersoq piitsoq aamma inuttut naleqassutsimut atorineqarpat**. Tamanna Oqaasiliortunit oqaaseqarfigaat piitsuuneq timimut, tarnimut anersaamullu atatillugu atorineqartarpoq. Piitsuuneq peqanngissutsimik isumaqarpoq, inuttullu piitsuuneq aningaasanut tunngatillugu atorineqartarluni



tarnikkullu piitsuuneq allatut ator neqartarluni. **Taamaattumik piitsuuneq inuttut naleqassutsimut ator neqarsinnaalluni.**

2. e.: **Nunasisut.**

Nunasisut assigiinngitsunik pingasunik isumaqartillugu ator neqarsinnaavoq.

1. **nunasisut – nunamik pisisut.**
2. **nunasisut – nunamut annguttut (nunassarsiortut).**
3. **nunasisut – nunataartut (nunamit allamit nuuttut).**

Taamaattumik kukkusutut taasariaqarani, tusagassiutitigut allatigulluunniit, nunanit allanit Kalaallit Nunaannut nuuttut nunasisunik taaneqassappata.


Ilanngullugu Ado Rasmussenip eqqartugaa apeqquteqarnermini 12.11.08 „*nunasivoq*“-mi Oqaasiliortut oqaaseqarfigaat, tassa oqaatsip **inuttut** ator neqarnera pillugu. Oqaasiliortut isumaqarput oqaaseq **inuttut** ajornaquteqanngitsumik ator neqarsinnaasoq assersuutini makkunani: „inuttut isumaga anissagukku“, „inuttut oqassaguma“, aammalu „inuttut atugarisat“. Pissutigalugu oqaaseq **inuttut** qallunaatuumiit **personlig**-mit nutserneqarsimammat, aammalu oqaatsit isumaat atorlugit qumartinniarsaralugit ator neqarsinnaanera ammaffigigamikku, ilaatigullu isumaqarlutik apeqquteqartup assersuusiai pitsaviunngitsut. Tunngavilersuutit ilaannut assersuutit imaattut ilanngunneqarput: „Suliffiga tunuliaqutaralugu, imaluunniit inuttut nammineq isumaga najoqqutaralugu“.

2. f.: **Sineriammi imalt. Sinerissami**

Oqaasiliortut malillugit **sinerissami** eqqortuuvoq, pissutigalugu –iak-mik naanillit qasseersiutinngoraangamik –issat-nngortarmata.

2. g.: **Anorrit sakkortussusaasa taaguutaat**

„Anorit natsisimassussiisa taaguutaat naalagaaffiit akuerisat – Den Internationale Vindskala“ Oqaasiliortut januarip 31-anni 1991-imi



aalajangersagaat malinneqassapput. Taakku taamani Oqaasiliortuni siulittaasoq, Alibak Steenholdt, aammalu Oqaasiliortuni allatsi Carl Chr. Olsen peqatigalugit suliarineqarsimapput. Taakku ukiup affaa atorlugu suliaapput, piniartutoqqat, umiartortutoqqat, arnat utoqqaat allallu peqatigalugit suliarineqarsimallutik. Taakku atortiinnartussaapput, pissutigalugu taakku internationale vindskala, anorip sakkortussusaa malillugu immikkoortiternikuugamik, kalaallillu natsimanermut taaguutaat anorip suminngaanniit takkunnera apeqqutaatillugu atornerqartarlutik, sinerissamit sinerissamut allanngorartiterlutik.

2. h.: **Ilinniangaatsuliaat**

Kinguartinneqarpoq, tunngavissanik amigaateqarneq pissutigalugu.

Oqarasuaatikkut apeqqutiginnissimagami oqaaseqatigiinnik ilaqanngitsumik.

2. i.: **Oqaasileriffimmut aningaasaliissutaasartut pillugit Oqaasiliortut allagaqarnissaannik kissaat.**

Per Langgård aggerinneqarpoq nassuiaasinneqarluni Oqaasileriffimmut aningaasaliissutaasartut pillugit tusagassiutinut allagaqarnissamut.

Sprogteknologi projektup ukiortaaminngaanniit matulernera pillugu, Oqaasiliortut peqatigalugit inuiaqatigiinnut politikkerinullu allagaqaateqarnissaq akuersaarneqarpoq, tamannalu Stephen Heilmann, Oqaasiliortuni siulittaasup tullia peqatigalugu ingerlanneqassaaq. Tusagassiutinut nalunaarusiassaq oqallinnermut aallarniutitut atorniarneqarpoq Oqaasiliortut ikorfaralugit.


- 3. pillugu -

3. Allat

- **‘jeres fangst dyr burde sælges som økologisk mærkede produkter’**

Oqaasiliortunit aalajangerneqarpoq økologisk mærkede produkter kalaallisut taaneqassasoq akoorutissaqanngitsunik.

Økologisk mærkede produkter – Akoorutissaqanngitsut



- Naggasiut -

Oqaasiliortut ataatsimiinnerminni 03.12.08-mi oqaatsit aalajangerlugillu akuerisaat:

- 1. Sygdom – Nappaat (nassuiaaserneqarluni: Peqqinnermik ajoquteqarneq)**
- 2. Handicap – Timikkut tarnikkulluunniit innarluut**
- 3. Innorluut – Inunnguuseralugu innarluuteqarneq**
- 4. Funktionsforstyrrelse – Pillorlunneq**
- 5. Køn - Suaassuseq**
- 6. Økologisk mærkede produkter – Akoorutissaqanngitsut**

Ataatsimiinneq naammassineqarpoq 03.12.08, nal. 11.50.

Oqaasiliortut ataatsimiitinneqarnissaasa tullia aalajangerneqanngilaq.

Inussiarnersumik inuulluaqqusilluta

Carl Chr. Olsen
Siulittaasoq

Beatrine Heilmann
Allatsitut taarti